

廣平府志序



太史公序列天下都會於漳河
間獨推邯鄲邯鄲去廣平郡五
十里郡界東連山左西南延
中州北通燕涿蹄蹄相接歷至
而輻輳太行之麓聰婁紅紫諸
山星列碁布環以滏沙漳洛之
水滋培灌溉地廣民稠號稱雄
郡其勢拱護

神京若屋之有垣若門之有屏故
其地較他郡爲尤重記有之修
其教不易其俗齊其政不易其
宜今之守土者地非其所素習
也民非其所素親也山川險要

城郭溝涂戶口田糧倉儲驛遞
非能一一瞭然於胸也語云前
事不忘後事之師將因時立政
隨俗制宜固莫詳於志書矣天
下郡縣莫不有志況沼貝之地
去

京師尤近者哉廣平之有志始於

陳給諫裴歷百有三十年郡守
沈君奕琛修之今又七十年矣
太守吳君以浙西名宿來蒞茲
土政行民樂綱舉目張環地千
餘里視之一如几席之下郡故
轄九縣自

宗憲皇帝軫念民隱興修水利將引

滏河水溉廣郡田而滏源在後
遂以磁州改隸廣郡郡亦遷前
志迥異今

天子惠養元元又

特命閤部大臣相視規畫若曰淫徒
而南民受滏之益不受滏之害
川澮交通溝塍綺錯農田之利

廣平府志

序

三

上關

國計下切民生而舊志於水利事
闕焉不詳吳君於聽政之暇覃
思殫慮博攷舊聞增其門類彙
然如視諸掌幾二年而書成迺
余視學於此遂以序請余以頌
太史公書謂趙俗懷急仰利

而食其民相聚游戲悲歌慷慨
及游燕趙屢道邯鄲問朝其風
土民情殊不類史公語又考宋
元以來賢豪輩出名臣碩儒忠
義節烈不可勝數蓋風俗之變
隨時轉移其不同如是也追明
季疊遭兵燹郡以凋敝

國家休養生息栽培而發育之者
百年於茲民各安其業樂其生
禮陶樂淑文運昌明駸駸與古
比烈矣夫無以引之於前則
善也不力無以懲之於後其絕
惡也不嚴是志成不獨前政之
得失釐然可考七十年間賢人

君子懿德美行其足以爲後世
法者莫不昭然共著覽斯志也
感發興起之念當必油然而動
吳君之功爲不小矣世之守土
治民者皆能以吳君之心爲心
則政化行而民氣樂道德一而
風俗同豈非郡邑之幸也哉抑
豈獨郡邑之幸也哉

賜進士出身資政大夫提督直隸學
政戶部右侍郎桂林呂熾撰



廣平府志序

廣平古漳河閒一都會也禹貢爲冀州域商爲邦畿周爲趙至漢則爲廣平國嗣此沿革不一自唐復稱廣平至今地之郡志所載是已原夫禍亂之北過漳水至於大陸郡爲大河

廣平府志

序

之所經迄周至宋屢有變遷俱不出其東境迨後黃河南徙而漳水獨流至海汎於廣肥曲之間爲害甚鉅郡境西南爲鄆漢書稱土廣俗雜大率爲高氣勢輕爲姦東北則與爲鄰其民悲歌慷慨作姦巧

弄物彈弦跼躑游媚富貴
趙之季舊染流薄使之
居術其北通燕涿南通
山於水爲河勢必爭之
以來如邯鄲涿州等處
州等戰伐攻取史不紀
洛尤甚故壘相望歷歷
可指

自古在昔豈非號爲難治
國家誕敷聲教休養百年
是藉輦輶朕肱被澤尤渥
余奉

命監司三郡廣平居其一
焉

九增茲州而爲十每以行
至攬其版圖自康熙開
由魏縣入衛順軌而東廣

邑向之岌岌懼翦爲波臣者今
且廬井晏如化斥鹵爲膏沃而
抵邯鄲風氣淳樸間所謂高氣
勢輕爲姦者安有也北接沙邱
俗尚纖嗇無復姦巧游媚之習
郊圻寧謐斥埃蕭閒民情熙熙
絕不知有烽火戈鋌之警何其

與古所云大不相侔也班孟堅
云聖王在上統理人倫移本易
末壹之庠中和以余所見亦旣
信而有徵矣郡志舊本荒畧又
歷數十載闕焉不修文獻淪喪
此典是邦者之責也今太守孫
鄉吳君朔占蒞茲三載庶政具

舉慨然披舊志而手自補輯分
卷二十有四釐類則浮其四於
卷之數閱歲而書告成余嘗謂
郡國有志昉於春官外史夏官
職方所謂書外令以周知利害
原期爲一代致用之書而近今
之志非雜卽鄙無稽者據爲典

要不馴者蒐爲藝林凡國計民
生之利害茫無所據其於治道
何補哉今觀是志其中山川城
郭兵制河防諸大端旣考覈精
確而一切厚生正德之良規復
條分縷析犁然有當俾後之覽
者鑒古儀今因時推準有以宣

皇猷恤民隱永保

邇隆之治於無疆焉則屬意乃一代致用之書而非僅爲臚備學故也余深服賢太守行書作才而又取其識慮高遠足以風示列屬故不辭舛陋而爲之序乾隆十年九月朝議大夫分巡

廣平府志

序

五

大名等處兵備道布政使司參議前四川道監察御史烏程
世楓書



廣平府志後序

乾隆十年乙丑予調廣平府同知比至則府志之修已告成矣考禹貢冀州覃懷底績至於衡漳河北流而漳攻注河縱而漳橫也太史公言降水至大陸播爲九河同爲逆河入於勃海此言曰漳與九河之大畧也溢陽河發於鼓山之麓東南行二里許與黑龍洞水滙魏都

廣平府志

後序

一

賦注溢水出神麇山卽黑龍洞也經邯鄲東三里會潞沁二水往時溢澤合流今自曲周縣漳河分而往東背西門約引漳水以溉鄴今漳水遷徙無常大約水至則淹浸水過則爲沃壤其徙者非徙也乃由此而漸轉於彼皆循環自然之數非人力所可爲也洛河由武安縣來歷臨洛關以下等處出南和縣沙河

由沙河縣入普高等處出南和任縣並入大陸澤漳河經磁州行八十里至臨漳入成安縣出魏縣南經元城縣下與衛水合流在清河縣南入運尚宜防尖塚并濬烟敦瀝水焉滏河則磁邯永雞各建閘以灌溉此滏漳沙洛利害沿革之大畧也若夫形勢險阻則莫如臨洛一關自隋時竇建德據洛州唐時劉黑

關據洛州至肥鄉秦王世民先後悉平之天寶間安祿山襲廣平顏杲卿克之李抱真及田悅戰於洛州後敗悅於雙岡由唐而宋至元皆以此爲扼要之地明徐達取廣平路正德則劉六劉七肆其劫掠於永年洛州間天崇地荒民饑相與爲盜而流寇至此臨洛關形勢之大畧也今天下一統安內攘外治水明

農在廣平則漳徙而墳壤可耕建間於
滏陽而諸州縣歲收其利又以豫省之
磁州隸廣平民無爭奪水利之患而臨
洛一關犬吠不驚近且聞詩書禮樂之
音蓋太平者百年於茲矣求當日戰爭
之處水災漂沒之患覺安危平險之判
然不侔也直隸省志久成而廣平府志
未修者七十年於是郡守吳公重修之

吳公浙水名進士官吏部持衡公平歷
武昌思南二府所至有賢聲其守廣平
也凡古今因革之宜一一講明而切究
是以修輯志書如星野建置學校賦役
驛遞壇祠風俗物產爵官選舉之類無
不衷於古而酌於今而於河渠疆場如
畫沙如指掌如集米爲山蓋國之所首
重者在水利與疆場我

朝

聖相承 賢王大臣各盡其心今

天子文武神聖導河興利循軌順勢申畫郊
圻慎固封守安帖而寧一而予職在捕
務河防廣平府與豫省山左山右犬牙
相錯卽一郡之郊圻也臨洛一關俯洛
水而仰崇山卽一郡之封守也河工則
溢漳洛沙之所經歷隄防堰壩坡塘溝

廣平府志

後序

四

渠放淤挑淺修閘分水之事稻梁麥黍
高下之宜水旱之備所當相地之勢順
水之性而加以人力者也嗚呼予於此
滋愧矣憶自爲文安尹清河千里長堤
八十里修濬興築賴上之力幸獲安瀾
而古所稱八寨者亦久平靜無事及遷
天津府同知其運河則前人已有成緒
乃予碌碌無所短長徒縻廩祿今調任

於此凡疆場之守封疆之固固已就理而於水利吳公尤晰之鑿鑿視老於河工者有加焉對此能無顏厚怙愧乎夫功與效相響應今也以所修輯者見諸行事若冀遂張堪何承矩潘季馴之功業漸次可成而十屬賢牧令各因其土地之宜形勢之便修其政防其害予雖孱弱愚昧願隨郡守後竭駑力以贊襄

有成庶後之觀此志者其不以爲乘載陳規語言文辭之美而已也是爲序

賜進士出身奉政大夫直隸廣平府同知遂安姜士崙撰



廣平府志序

天下郡縣志外史氏掌四方之志是也畿輔志小史氏掌邦國之志是也廣平隸於畿與邦國爲近志類他省郡綦重焉郡故有志前學沈文舉屬郡人申太史涵盼重修實屬太史孟兄上舍涵光筆也涵光固耆宿考核精博足以信今傳後顧其書三月

廣平府志

序

一

竣事昔明洪武詔修元史刻期六月雖以宋景濂王子充諸巨手爲之後人不能無訾議況亞此者時又半之乎且攷其時爲康熙乙卯丙辰歲開國規模略備而三藩未靖郡介西南孔道軍書繹騷供馬賦車一切以教以養者權宜從事下至人風物產動靜登耗之不時逮耆定後休養生

息距今已七十年矣嘗謂史可數百年一修志不可數十年不修志有實錄起居注會典檔案班史在志則見聞異辭故家家乘溢其實金石刻文字散棄於山林墟墓間其成憲頒布者胥吏上下其不戒於火則網羅釐定唯恐後守土者責而誰責與

廣平府志

序

二

聖廟享國長久深仁厚澤既不勝書世廟重光澄清渙汗視昔有加今

上御極安益求安治益求治統紀七十年中人材之登進田畝之開闢祠壇之增設河渠堤堰之改築驛遞倉儲兵戎之裁制卽如磁州向隸於豫今歸郡轄皆前志所未嘗有者爰稽同志緝閱鱗次闕者補之合者分之無差